

三雲五主編

宋元明善本叢書十種

現刊本 歷代小史 六

歷代小史卷之四十

玉堂雜記

周必大撰

李仁父

壽

續通鑑長編開寶二年太祖命李昉盧多遜分直學士

院昉前在翰林堂吏因事至者每拜堂下事已即遣未嘗與坐至是拜堂上更展叙中外無復曩日之禮昉愕然詢同列則云數年矣

司馬文正公日記云熙寧二年五月癸巳鎖院以奉安二御容禮成德音降西京囚杖以下放是日丞相出中書提點魏孝先以下入院授以參政趙抃所封御前劄子茶湯館于虛閣御藥劉有方來茶湯館于門塾復謁御厨翰林設食致酒果黃昏進首尾詞內批

依此修寫四鼓起讀點句攢點進入明日丞相退朝宣訖開院淳

熙三年十一月八日

必大

被宣草十二日冬祀赦黃昏方至院御

藥持御封中書門下省執狀來繫鞵迎于中門同監門內侍一員
俱升廳御藥先以執狀授監門共茶湯訖先送御藥出院復與監
門升廳受執狀付吏又點湯送監門下階館之門塾而不報謁既
熟狀自內出非參政所封故提點官不來惟中書門下省刑房錄
事尚書省刑房主事各一人穿秉同至仍舊繫鞵見之不迎不送
不設茶湯而退守當官四人貼房十數人旅揖階下與文正公所
記多不同至六年九月十二日復被宣草明堂赦御藥張安中監
門梁襄相見如儀惟錄事沈樸主事李師文茶而不湯院吏云前
不設茶誤也守當官等不復廷揖所謂酒饌之賜今皆無之詰朝

奏知先出而吏卒輩皆俟三日後宣赦訖乃得歸

太上初遜位上尊號時陳丞相

康伯

當因集議定命學士洪景巖

遵

撰議文然後降詔

必大

時任祭官心知其非而無由改乾道六年

郊祀禮成加上尊號

必大

在翰苑始引唐故事乞上帥群臣過宮

表請既允然後降詔國朝止有人主上母后尊號故冊文稱嗣皇

帝靖康上

教主道君之號徐丞相

慶仁

已命汪彥章

藻

代作冊

文會有疆事不及行禮紹興三十二年初上德壽尊號乃承例

用嗣皇帝乾道六年以上既表加乞上尊號而院吏寫表亦稱嗣皇

帝私謂未安謹按唐明皇傳位後顏真卿議肅宗不當於宗廟稱

嗣皇帝况親奉表德壽乎以白虔丞相

允文

丞相難之必令尋例

必大思建炎以後遇節朔遥拜徽宗表是時翰苑多名士必不

誤用乃督吏搜舊牘明日果得表本一冊止稱皇帝又按韓文順宗實錄載憲宗上順宗尊號冊文亦稱皇帝臣某此最可據其議遂定

是歲初議於大上皇帝尊號中加憲天體道四字皇后加慈明二字必大草詔云太上皇帝與天同大體道之宗太上皇后如月之明以慈為寶蓋取文意之順耳將宣布而議者謂天聖二年賜太宗女申國大長公主謚曰慈明當避於是改用明慈二字宰執云詔書先明而後慈殆默定也

必大與同直院鄭仲益聞既分草皇帝請加上太上皇帝皇后尊號牋表諸公謂太上皇帝自當答誥頗疑皇后難於措辭必大請以意共為答誥文意所及總言父母以該之而不稱予吾之類

遂草以進上甚以為然凡兩答語皆必大所草也

上於文字尤欲得體一覽便見是非必大草太上辭尊號第一誥

其末云怡神間燕何力之有上曰此雖道太上語畢竟自此

起草送去何力之句不能無嫌必大遂改作無累於物蓋上用

意至到如此

淳熙二年六月禮部太常寺申來年太上皇帝當慶七十欲將國

朝加上尊號并壽典禮參酌比附先次討論壬申有旨恭依七

月乙酉侍從禮官等就都堂議加性仁立德至神無為八字而皇

后再加二字為齋明廣慈後兩日禮部趙侍郎准謂無為二字與

太上字相連頗涉語忌請改為明武煥文其後又嘗作至神無

為又作成武煥文逮癸卯乃定用性仁立德無為全羨參政龔實

之成良

而下尚不以為然葉丞相

衛

既主之衆莫能奪八月直院

胡長文

元續

罷丁卯

上自用

必大

再直已擬詔草會九月乙未

葉丞相罷龔參首招予及學士王季海共議然後定爲性仁誠德
經武緯文遂草宣布詔其頌 太上皇帝云以德行仁本性誠之
固有修文偃武合經緯之自然 太上皇后云月齊日以得天而
能久照坤順乾而配地是以廣生 上再三稱獎謂數句用經語
該括明備非卿不能真大手筆也

大禮降御劄既云劄示則當親筆付外近歲同常詔從院吏寫本行
出未知中朝舊事如何乾道九年六月七日宣當直學士草南郊
御劄三更進草其間云乾清坤夷振四方之綱紀星暉海潤兆百
世之本支玉卮每奉於親闈瑞節歲交於鄰境 上改作農扈屢

豐戎軒載戰崇禮樂而四達嘉風俗而再淳玉卮每奉於親闈美
化遂刑於海宇仍批云可改簽抹者五句意不近於郊祀其欲得
體大率如此

己亥三月丁卯詔今歲郊祀以例約束省費旋有旨未令行出下禮
部太常寺議明堂大禮初李仁父主此說於前郊嘗經集議會近
習揚言壽博極群書却不曾讀孝經乃不果行至是予以禮部尚
書兼翰林學士與諸儒議曰周公雖攝政而主祭則成王王方幼
冲故周公參稽古制宗事於明堂其曰嚴父者指周公能推本武
王之志追尊文王之功非謂自主其祭祀也衆以為然遂奏臣等
竊觀傳載黃帝拜祀上帝于明堂唐虞祀五帝於五府歷時既久
其詳莫得而聞至禮記始載明堂位一篇言天子負斧依南鄉而

立內之公侯伯子男外之蠻夷戎狄以序而立故曰明堂也者明諸侯之尊卑也孟子亦曰明堂者王者之堂也周禮大司樂有冬至園丘之樂夏至方澤之樂宗廟九變之樂三者皆大祭祀惟不及明堂豈非明堂者布政會朝之地成王時嘗於此歌我將之頌宗祀其祖文王乎後暨漢唐雖有沿革至於祀帝而配以祖宗多由義起未始執一本朝仁宗皇祐中破諸儒異同之論即大慶殿行親享之禮並侑

祖宗從以百神前期朝獻景靈宮享太廟一如郊祀之制大上皇帝中興斟酌家法舉行於紹興之初亦在殿廷蓋得聖經之遺意且國家大祀有四春祈穀夏雩祀秋明堂名郊祀是也陛下卽位以來固嘗一講祀穀四躬衣祀惟合宮雩壇之禮猶未親行今若

特舉秋享於義為允臣等謹據已行典禮及將前代賀循本朝名儒李泰伯范鎮明堂嚴祖說并治平中呂誨司馬光等集議近歲李燾奏劄具錄以聞乙亥有旨從之九月上辛以顯肅后忌前改用仲辛行禮辛酉當受誓戒前一日上語宰執足指瘡腫恐妨拜跪欲展季辛又值顯恭后忌如何宰執奏天地尊后忌卑遂降旨用二十六日必大按漢武太初太始征和中屢祀明堂不專用辛方請别卜日詰朝

上忽遣中使諭旨都堂夜來傳禁足瘡良愈不必改日但已展誓戒之期若再降旨不張皇否趙相奏此却無妨遂以是日午時集官受誓戒丙寅大雨丁卯鎖院草赦戊辰百執事冒雨入麗正門過後殿請

皇帝致齋已已

上乘逍遙車朝獻景靈宮入太廟宿齋四日之間

兩晝夜傾注通衢殆如溪澗有旨來早不乘玉輅止用逍遙車徑入北門趨文德殿致齋朝服導駕官皆改常服應儀仗排立人並放趙相為大禮使密諭有司未得放散黃昏後兩轅止夜分內侍李思恭傳旨御史臺閣門太常寺仍舊乘玉輅應合行事件疾速施行庚午昧爽駕來登輅必大執綏上喜曰且得晴霽辛未行禮月色如晝上拜起不倦以迄于成黎明登拱肆赦簪花過德壽宮人情熙然赦書乃必大視草其間云惟周成宗祀洛中陟配於文王惟漢武合祠汶上推嚴於高帝皆用親郊之礼具殫尊祖之誠於鑠本朝若稽前代倣經路寢有皇祐之彝儀徧秩群神有紹興之近制不愆予素可舉而行蓋欲明著古禮以示來世也後數日

加恩群臣

必大

復草趙相制云裸將太宮霖潦驟驟陟恪大寢月

華正中又云鎮定大事如彥博之恢宏貫通群經如宋庠之博洽
皆紀一時之事且以仁宗初行明堂二公實為相也大札赦條
乃六部諸司條具上省省中類聚取旨訖即進熟狀降付學士院
草赦文本院并首尾詞大書進入其間多云當以將上取旨蓋有
句擬申如此既經畫旨行赦便是處分不應仍舊用當議二字

必

大為學士諭令削去院吏持不敢遂親以筆塗之

乾道七年四月甲子詔皇太子判臨安府用至道故事也或謂當以
太中大夫為判官通領府事恐名稱未正遂議改尹而以侍從為
少尹餘判推官用卿監即官丁郊將鎖院降麻或又疑宣麻給告
非待儲貳之禮已已後省官禮官會議於史院檢照唐太宗征遼

命太子監國及大帝命太子受諸司啓事或詔或制視麻爲重可以作則 上然之庚午偶當日被宣范紫微成大先以待講遞宿

聞報遽出薄莫至王堂御藥李

志其

持御封御筆皇太子某宜領

臨安尹可依此降制三鼓進草因奏此制書既不給告則當付有司施行竊恐皇太子別無被受欲依自來詔書牀式格換首尾書寫一通降付皇太子今擬定格式進呈如賜俞允乞速批降付下御筆批依辛未遂告大廷惟此稀開盛典適以史官備討論詞臣參潤色復得宸翰寶藏千家非儒生之榮遇乎

答皇子詔用卿字非是前輩知体則不然其他或汝或王或公皆當有別

翰苑歲進春端帖子如大內多及時事 太上則詠遊幸之類

必大

嘗自德壽宮後垣趨傳法寺望見一樓巍然朝士云太上名之

曰聚遠而自題其額仍大書東坡賴有高樓能聚遠一時收拾與

閑人之詩於屏間又靈隱寺冷泉亭臨安絕景去城既遠難於頻

幸乃即宮中鑿大池續竹筒數里引西湖水注之其上疊石為山

象飛來峰宛然天成必大作端午帖子云聚遠樓頭面面風冷亭

下溶溶人間炎熱何由到真是瑤臺第一重蓋謂此也前後頗聞

禁禦大略併記于下宮中分四地分隨時遊覽東地分香遠梅堂

清深竹堂月臺梅坡松菊三徑菊美清妍醅醖清新木犀芙蓉岡

南地分載忻大堂御忻忻古拓大射廳臨賦荷花燦錦至樂

池半丈紅郁李清曠木犀瀉碧養金西則冷泉古梅文杏館靜樂

牡丹大樓子浣溪每棠北則絳華羅木旱船俯翠茅亭春桃盤松其詳

不可得而知也嘗見御製盤松贊墨本云天賜瑞木得自嶺岑枝
蟠數萬餘不倍尋怒騰雲勢靜奏琴音凌寒鬱茂常暑陰森封以
腴壤邇以碧濤越千萬年以慰我心碑在宮中又汪季路達得御
製祭土地文藁真蹟寶藏之其文云維淳熙五年歲次戊戌十一
月 日 太上皇帝遣具階張宗尹特設牲牢旨酒珍果香花致

祭于本宮土地之神神有百職職各不同典司草木土示是供我
遊湖園乃獲奇松植之禁苑百態千容婆娑偃蓋天矯騰龍翠色
凝露清音舞風醉吟閑適予情所鍾壅培封殖久或力窮鳥鳥外
擾蟻蠹內攻神其勲絕勿使能終精和竊據盜斧適逢神其呵逐
勿使遺蹤常令勁質坐閱隆冬堅踰五柞弱異雙桐歷千萬年鬱
鬱葱葱牲牢旨酒嗣錄汝功尚饗

歐陽文忠公學士院草錄世已不傳近歲有玉堂集云是李漢老
編類亦差訛非全書其中却載皇太子府春端帖子蓋政和宣和
間所供今東宮乃闕此欲引例為請緣無善可據且當時不曰宮
而曰府遂止

宰執及親王使相太尉生日天章閣排辦牲餼預申學士院撰詔書

及寫賜目一紙各請御寶

詔用書詔之寶賜目錫賜之寶

前一日差內侍持賜其

詔例畫撰進之日謂如正月旦生文意必叙歲首而所書日則是

去臘殊不相應

必大

為直院奏乞不拘進詔早晚但實畫生日於

後得旨從之遂為定制

祖宗時牲餼外又錫器幣往往就差子

弟姻戚持賜欲甚省費也過江惟牲餼耳米麪本色羊準價皆取
之有司酒則臨安醞造臨時加以黃封拜賜訖與使者同升廳揖

笏展讀就坐茶湯書送錢十五千從人三千天章閣使臣庫子快行錢酒各有差

淳熙丙申八月庚辰德壽宮遣大璫張去為至都堂傳旨立翟貴妃為今上皇后明日午後執政奏事皇后歸姓謝氏乙酉晚快行家來宣鎖院是日侍講刑部侍郎程泰之已宿直呼馬而出予至內前適與之遇泰之揚鞭云留詩案上矣酉時出自東華門入對選德殿上曰太上有旨立謝后命卿草制必大奏合略及歸姓否上曰不如此四方何由知明言幼隨孔母可也宣坐賜茶訖御藥王濛同入院二鼓後進草畢吏呈泰之詩云升擢身章却冒塵裊蹠顧影也逡巡鑾坡寓宿非其地蓮燭操文自有真字直由來同古語位高兼復見今人迎潮有諾無輕爽季老當年不諉貧